

理

學

宗

傳

理學宗傳卷之二十四

杜 知

容城孫奇逢輯

門人楊爾淑全編

明儒考

趙 炎

曹貞子公于汴

于汴字自榮平陽之安邑人爲諸生時與盱眙馮應
京以聖賢之學相鏃礪講求兵農錢賦邊防水利之
要訂經世實用書強半出諸腹笥成進士授淮安府
推官護陵寢掄劇盜爬淮泗間利病擢給事中論

奏皆天下大計萬曆庚戌與高陽孫承宗分試南宮
所取多名士以吏垣掌內計佐太宰富平孫丕揚斥
小人之渠率其黨相與磨牙爭之久之公與富平相
繼引去泰昌元年以太常少卿起家屢遷都察院都
御史居憲府雙藤倚戶外百僚肅然有傾太康之風
遲重寡言人或以衰晚目之及東警薄都城論劄目
數十下條對商確不移漏刻詰奸警備旋至立應辦
強少年皆歛手嘆服旋累吏部左侍郎公薄嗜慾勇
辭讓進禮是義不失尺寸當推少宰時越關中馮恭

定而川公小人藉是兩恭之公周讓不可不旬月堅
請去旋去逆閹之難作而東林之黨禍烈矣戊辰崇
禎改元召公爲左都御史未幾閣訟起公據法守經
力爲糾正久之以年至乞身庚午致仕歸卒于家年
七十有七公爲人孝弟忠信明允篤誠立朝務持大
議論人務取大節主持名教愛惜善類其天性然而
于小人有所彈劾處分嘗惻然如傷有一言可採寸
長是錄未嘗不引而進之其或反唇相稽捺戈入室
雖引咎自責退而忘其誰某也萬曆中黨議播于庚

戍而煽于辛亥二三小人飛謀釣誘以一網盡東南
西北之君子公佐孫富平稍剪其勾萌挫其機牙而
滋蔓潰決不可禁禦卒至旋出旋退以公俛仰三十
年雄唱雌和黨同伐異以人國爲孤經與黨論爲終
始天下事遂不可問矣公之學唯仁與誠仁則無我
好賢疾惡皆一體也何惜乎黨議誠則無僞直內方
外皆天則也何畏乎學禁公真有本之學哉

書刊卷之四

夫道無之非是無人弗足講學以明道士農工賈皆
學道之人漁牧耕讀皆學道之事隆古無講學之
名其人皆學故無名也國家以文學取士天下學
校無慮千百章縫之士無慮萬億蓋令其日講所
謂時習所謂孝弟所謂性命仁義而以淑其身待
天下之川也乃人心不古遂有口耳活套掇拾粉
飾以爲出身之媒師以是教士以是取恬不爲異
非其質矣而于立身行政毫無干涉于是君子厭

薄其所爲而聚徒講道入遂以道學目之若以爲
另是一種豈不惑哉然講學之中亦或有言然而
行不然而藉是以干貴人捷仕徑者而其名爲道
學也是有口耳活套之實而更美其名人誰能甘
之則群起而相攻而講者益寡道益晦矣大抵所
學出于實則必闊然自修不論大節細行一一不
肯放過雖力量不同未必盡無疵而不自文以誤
人也所學出于名則有張大其門面而于其生平
未純處亦曲爲言說而謂其爲道夫夷之隘不害

其清惠之不加恭不害其和然亦何必曰此隘此不
恭正道之所在而陋孔子于下風乎羅近溪逢人
問道透徹心體豈不可尚而闊略處亦誠其病乃
學者得其闊略以爲可便其私也而或多不羈誠
有如此巷䟽所謂賄賂于請任情執見等說是其
坐女子于懷而亂之而猶侈然薄魯男子不爲也
而可乎但今因止巷之䟽而遂禁其講是因噎廢
食夫此學乃乾坤所由不毀何可一日廢也似更
當推廣而俾千百學校億萬章縫無不講以及農

工商賈無不講才是而其機則自上鼓之若得復辟召之典羅致四方道學倣程子學校之議布之天下以至道教于一切鄉學社學之衆漸次開發而中務有位之士以興學明道爲先圖其學則以躬行實踐爲主隨其人之根基引之入道或直與天通或以入合天或直臻悟境或以修求悟夫天人合一修悟非二舍天而言人舍悟而言修則淺矣近時學者知皆及此然言天矣而人尚未盡言悟矣而修且未能世豈有能致中而不能致和能

正心而不修身者哉則不可不戒也大抵果能合天則必益盡其人事果能真悟則必益盡其真修堯舜文王孔子何人也而兢兢業業望道未見從義改過沒齒以之也汙淺陋不能窺道毫毛其于所謂人所謂修百孔千瘡故謬陳如此

仁體策

仁人之用仁舉諸我以加諸彼乎曰非然也有彼我則有封域有封域則有急緩有急緩則有校量其卑者易入于納交聲譽之偽其高者亦回而不直

粹而不粹暫而不恒虧而不滿夫湛然而仁其油
然而仁興矣暇校量哉昔先哲之談仁也曰仁心
之德也而泥之者乃于心之內更求德焉非德不
足以見仁也者不知心焉知仁故曰仁人心也言
心而不言德而泥之者乃于人之內更求心焉非
心不足以見仁也者不知人矣不知人焉知仁故
曰仁者人也言人而不言心嚙至矣若理若氣若
形若性若身若心貫通矣渾合矣天也地也萬有
不齊之物也我也其生之所自一也鴻濛未開之

能中道能
能一體能
物然理不
能感通有
所以感之
者須先有
一此工夫
在

始有合而無分形象既判之後似分而實合故盤
明各具天不獨豐人不獨當人不獨得物不獨關
其中通也一陰乍動一陽來復倏忽彌漫周于天
地貫于萬物亦其中通也疾病痛癢相連相關不
但父母兄弟推之一切莫不皆然亦以其中通也
而或者乃曰毋齟于痛則常聞之焉有物痛而亦
通嗟乎毋齟于痛世未必皆其人也然則父母非
一體耶此其體之木也木則無不木也不木則無
所木也入其室父母兄弟環向而處不知其體也

出而游園囿之中過其父母兄弟則聯之之郡城
焉過其邑之人則聯之之會城焉過其郡之人則
聯之之都城焉過其省之人則聯之之海外異邦
焉過中國之人則聯之之壙洋之水木石麋豕之
爲叢過似人者而聯之矣方其未聯也木也及其
旣聯也不木也且光風霽月何與于我而忻狂颺
陰靈何與于我而慘水光山色何與于我而喜荒
原頽墮何與于我而悽則風月水石固有通于我
者我乃忻之慘之喜之悽之耳柰何日日周游時

時茂對入忻亦忻人慘亦慘以目爲貴以目爲惜
語云我乃行之不得我心不自察耳察則不木不
察則木顧華裔之界限人物之差等仁人未嘗無
別此以別之者體之也華得其所裔亦得其所也
盡人之理亦盡物之理也分殊者脈絡之分也理
一者公溥之量也故蛇龍歸菹聖王之愛物而庸
衆不解但謂祛民之害仕元明學魯齋之大用而
世儒過貶則以疾時之甚然征伐可廢乎刑誅可
弛乎仁人未嘗不嚴此以嚴之者體之也仁與不

仁辨之以心不辨之以迹除莠剔蠹以殺機爲生
織花鍛鶴以生機爲殺故砭灼不廢于騰膚夏楚
不斲于愛子虞延四罪魯國肆責周王一怒宋公
不阨孰一體孰非一體必有分矣夫以天地萬物
爲體則體大以四體爲體則體小以天地萬物之
體爲人則人大以四體之體爲人則人小大體者
能卷能放流衍于衆小體之中而衆小體不能隔
也四體之本則知瘵之天地萬物之體之本則不
知瘵弗思故也夫千萬世之上此天地也有萬物

焉千萬世之下此天地也有萬物焉天道無窮地
道無窮物生無窮吾心亦無窮往聖之絕學未輟
于命而萬世之太平輒營于中仲尼之生千古不
疚堯舜之心至今猶存卽其體存也故曰會人物
于一身通古今于一息區區補葺于百年之間君
子以爲猶木也故仁以爲己任古之成仁者如此
高景逸曰吾見貞予先生于長安中終日欽欽目
明耳聰手恭足重卽其中空空而無適也可以證
性矣夫性空言之則無朕也實證則有象也先生
非其象乎故先生居鄉乎鄉立朝乎朝告君者足
以定群鷺明國是告友者足以明學術開道與見
于咏歌者足以暢天機流性藹所謂循是而勸不

違其則之道也此
之謂性此之謂善
夫學性而已矣性善而已矣何以證性善也事親
從兄仁民愛物非性之善與此外復何事哉先生
仁體一篇大段盡之憶萬曆壬子耶先生于京師
時以吏垣請告東裝臨歸按引從容迄今五十餘
年矣始讀其遺文就中論議多昔年語次及之所
惜少年寡味似時不聞顏界每一追思慙負此老

來瞿塘知德

知德字矣鮮別號瞿塘四川梁山人穎頗長凝重不
競十歲通舉子業嘉靖壬子以禮經中式第五後會
試不第因雙親疾遂焚引侍養及父母歿相繼廬墓
六年不茹葷不御內以親不獲祿養終其身麻衣蔬
素誓不枉見有司居鄉恂恂少長皆接以禮家無長
物有卽助人婚葬者有瞿塘目錄內篇十卷外篇十
卷微辭與古多發前賢所未發其剖析天理人欲圖
解有功聖門因宋儒以易象失傳遂遠客萬縣求溪

三十年
魁之功

三十年悟四聖之象悟孔門一貫之旨講無欲之學
真有自得萬曆壬寅司馬王象乾中丞郭子章交薦
除授翰林院待詔疏辭令原銜致仕仍令有司月給
米三百石坐誦讀老而愈勵年八十卒門人李綸等
梓其遺集



長	陽以漸而						

長陰以漸而

白路者一陽復也自復而臨而泰而壯而夬卽爲乾之純陽

黑路者一陰姤也自姤而遯而否而觀而剝卽爲坤之純陰

復者天地之生丁也未幾而成乾健之體健極則必生女矣是火中之一點水也姤者天地之生女也未幾而成坤順之功順極則必生男矣是水中之一點火也故乾道成男未必不成女坤道成女未必不成男

坤而復焉一念之醒也而漸至于夫故君子一質之
土可以成山

乾而姤焉一念之差也而漸至于剝故小人一煽之
火可以燎原

學者只將此圖黑白消長玩味就有長進然非深于
道者不足以知之觀此圖者且莫言知造化性命
之學且將黑白消長玩安危進退四個字氣象亦
已足矣了得此手便就知進知退知存知亡便即
與天地合其德日月合其明四時合其序鬼神合

其吉凶故修德凝道之君子以居上不驕爲下不
倍國有道其言足以興國無道其默足以容之結

卦乃伏羲所畫也初畫此圖時也無傳授只見得天
地間止有此陰陽止有此消息盈虛生死始終大
小長短之理盡圖於壁每日玩之亦非求合于伏
幾之卦也偶一日見序卦此圖合之可見造化自
然之數非有所安排也而伏羲千古之秘於此圖
盡洩矣

或問宋儒已前皆不知太極爲理至宋儒乃指爲理

又不明言其何理此何理也曰仁義禮智信之理也仁義禮智信之理一也自天命而言謂之性自率性而言謂之道自物則而言謂之理自無偏倚過不及而言謂之中自有諸已而言謂之德自極至而言謂之太極譬如起屋相似性字自根基上說道字自道路上說理字自尺寸不可易上說中字自規矩上說德字自蓄積上說極字自開門一掃統括微妙上說

朱子云不言無極則太極同于一物而不足爲萬化

此論亦是

之根不言太極則無極淪于空寂而不能爲萬物之根若如此論是孔子之言未明備必俟周子之言始明脩矣蓋孔子之言已明脩無欠缺包括無極在其中矣周子恐人認錯了太極二字爲有形之物故云無極正所以解太極也朱子說平了幾處不要緊之人與不要緊之事不可狎侮忽畧通要謹慎細密就是聖人不泄邇功夫告內悔吝都在此上面生

世間千條萬緒消不得我一個理字千思萬想消不

盡矣

得我一個數字千橫萬逆消不得我一個愁字
大丈夫以天下爲一家以萬物爲一體既不知事親
從兄則一家之中且乖戾矣況仁民愛物乎故曰
君子務本孝弟爲仁之本故曰堯舜之道孝弟而
已矣

謙與誚外貌雖畧同而心術則萬里在君子爲謙在
小人爲誚儉與吝亦然

心學晦明解畧

心學之一明一晦天實同之也心學常明于天下則

論人晚
明又恐
隔人無忌
障不可不
防其說也

理學朱傳

卷之二十四

七

世多聖人麒麟鳳凰不能出走獸飛鳥之類矣卽
今書者吾儒所治之業也天下無不讀書之聖人
賢者識其大不賢者識其小此古今聖人之常大
舜邇言且察况書乎蓋天忌尤物聖人之經不使
人見其全經聖人之傳不使人見其全傳縱醫家
之靈方卜術之奇數藏之秘府者亦不肯久留于
人間書可知矣夫書與天地本無忌碍且有興有
廢而况于生人乎觀天不以全書與人則知天不
以全聰明與人矣故心學不常明聖人不常生皆

卷之二十四
程朱
論語

大有以同之孔子之聰明千古一人而已信乎子
貢以爲天縱也孔子之後門弟之多者莫如鄭康
成長相從千餘人名其鄉爲鄭公鄉榜其門爲通
德門一時天下之相信以爲孔子復生矣自宋有
程朱而鄭公之業遂廢可見天惜聰明不肯盡歸
于一人也程朱在宋爲名儒今日之設科皆依其
註疏然大學首章頭腦功夫未免差誤他可知矣
王陽明以大學未曾錯簡又可見天惜聰明不肯
盡歸于一人也陽明之說是矣然又以格物之物

認爲事字教人先于良知而明德二字亦依朱子
又不免少差又可見天惜聰明不肯盡歸于一人
也故天下有治有亂心學有晦有明皆天以聰明
固之人力不得而與也某本愚劣少壯之時妄意
聖賢山林中近三十年所註有易經集註大學古
本入聖功夫字義理學辨疑諸篇與程朱陽明頗
有異同昨友人致書以天下義理程朱說盡陽明
不必議之將程朱之註取其科第而復議之非儒
者之用心也此言益爲某面發非爲陽明也殊不

雖理非議
其人足以
折衷群論

知理者天下之公理人人皆能言之不反覆辯論
豈得爲儒且議者議其理也非議其人品也若論
程朱陽明之人品俱千載豪傑泰山北斗皆其之
師範也豈敢議之陽明在今日之儒乃聰明之極
者但立論傷于太快略欠商量陽明亦未嘗議朱
子之人品也亦議其理而已使前人言之而後人
再不敢言之則墳典者乃伏羲神農黃帝顓頊高
辛之書孔子不敢刪矣春秋乃列國侯王之史孔
子不必修矣傳註有左丘明鄭康成王輔嗣孔安

國諸公程朱不可出一言矣言之者不得已也爲世道計也伊尹之非予覺之而誰孔子之文不在茲孟子之舍我其誰皆不得已也世莫我知不得不自任也蓋天而世人之聰明入聖之功夫少認不真則其用功之先後不免以緩爲急以急爲緩古人有言黃河之源不揚黑水之波堯李之根不結松柏之實名儒言之門徒千人從而和之後生晚進差毫釐而謬千里有駸入于異端而自不覺者所以不得已而辨論也且如墨子乃戰國之大

儒爲宋大夫著書七十一篇有貴儉兼愛尊賢右
鬼非命上同諸篇當時之人比肩孔子故古文有
仲尼墨翟之賢之句唐之韓昌黎猶予之韓子曰
儒墨同是堯舜同非桀紂同修身正心以治天下
國家奚不相悅如是哉孔子必用墨子墨子必用
孔子不相用不足爲儒墨墨子乃大儒何嘗不敬
其父哉而孟子乃闢之何也蓋老莊之徒棄仁義
陋堯舜排周孔如墨之與白水之與炭明白顯易
知天下後世必不見信獨墨子似是而非觀其稱

堯曰采椽不斲茅茨不剪稱周曰嚴父配天宗祀
文王其立論兼愛一篇孟子悲傳之後世其流必
至于無父非墨子真無父也故辨論者不得已也
昔程子與吳師禮談介甫之學錯處謂師禮曰此
天下公理無彼我果能明辨不有益于介甫必有
益于我此言說得好德亦此意也

聖學于太極圖有領悟故世知有求知德之易亦
所謂實之不可掩也其學問大旨以格物二字爲
主物乃物欲之物物格而后知至克己復禮爲仁
養心莫善于寡欲此三句話乃一句話也何也物
也己也欲也皆有我之私也格也克也寡也皆除
去有我之私也紫陽是說前一步功夫陽明是說

後一步功夫皆有欲効患皆之意至訓明德不作
虛實不昧卽五達道也自其共由于人謂之道自
其實得于己謂之德自其通于天下曰達自其昭
于天下曰明非有二物也卽下文言敬止仁敬孝
慈信之德也言齊家孝弟慈之德也言治國宜家
人宜兄弟父子足法之德也言平天下上老老長
長恤孤之德也一部大學館結于此不言道而言
德者有諸己而後求諸人也此正五帝三王以德
服人之王道耳若以人之所得于天而虛靈不昧
爲明德則尚未見之施爲以何事明明德于天下
哉擴格物訓格去物欲亦是徹上徹下功夫但既
知紫陽館理是說前一步則去欲豈在窮理之外
耶不去欲何以爲窮理也以達道訓明德于理亦
不錯但德既虛靈不昧其所設施自著落在達道
之中有體豈患無用哉程明道學術其正集中亦多
快論然其所効直諒于先儒者往往亦有偏處偏
處由其識力未到涵養之腴而快處頗爲明醒不
可不存其人也

鹿忠節善繼

善繼字伯順號乾嶽定興人祖久徵御史以諫言謫
父正黨禍作傾身急左魏諸公難所謂鹿太公者也
公性端方謹慤歸然如斷山少以和父爲師小章句
醇溫飽讀王文成傳習錄而莽之慨然有必爲聖賢
之志每與同儕談說經旨曲折盡變動中妙理同儕
謂其能記憶也公對曰只是要醒如何要記醒的如
何是我則由我而周程而孔孟而湯文龜舜無不觀
面以相質六經四書皆我註脚夫豈有疑于心乎自

得力在
得旨錄

是而論交日盛萬曆丙午舉於鄉癸丑成進士與吳
郡周順昌襍被蕭寺雞鳴風雨以節義相期勉選戶
部山東司主事職擅法與同舍郎某爬搔利病洞悉
源委丁內艱毀幾滅性歸而遠邇來學者舍不能容
隣居僧院幾無閒室服除補戶部主事署廣東司事
遼左方闕餉輒發金花餉遼神宗震怒公得謫一時
省臺諸忠直大列無不爲公訟言者解官歸門人日
益進每拈尋樂大旨爲及門談柄光廟御極首復公
官典新餉廉直介立清操絕俗尋改兵部職方主事

題覆章奏時遼陽初陷中外洶洶公爲大司馬草疏
請逮其斬其以伸國法會王象乾以大司馬行邊因
用廢弁與職方郎耿如杞左職方持之力首揆葉福
清擬司官不得違阻之旨公上書福清曰邊疆之壞
由於債帥中外諸貴人入其債而請求於職方職方
自愛其官不得不徇諸貴人之請今幸得一憂國奉
公不徇情面之人反奉不得違阻之旨胥天下以職
方爲市永無不債之帥者自此一言始勿謂能違阻
之司官爲易得勿謂去能違阻之司官爲小失也福

自請歸從
同歸是與
高陽為終
如余則難
在丙子高
陽與在
及高陽
命遂受文
陽

清謂其刺也怒已而屈服焉歲壬戌孫高陽以閣臣
理部事請寘逆臣熊王於法公舉手加額迄高陽自
請督師公請從適吏部缺司官群欲挽公公不可曰
軍中無苦樂但問所從誰相公一日在師中其常二
日在幕中高陽嘗云子居東拓地四百里敵退七百
里無一不出伯順經畫而口不言功功亦不及僅以
久次轉員外陞武選司郎中而忌高陽者百計阻之
遂與高陽同歸家居四年學力日克痛除將就月認
影響浮游之病而一言一動觸處逢源說約一編日

與同人諄復口授崇禎初起公爲尚寶司卿陞太常
司少卿管光祿寺丞事細大兼營到處修明職掌未
三載復請告歸公做人做事一味認真學以認理爲
主而言理卽在事上故其言目讀有字書却要識沒
字理則公之自得可知矣先是神廟末年高景逸馮
少墟鄒南泉講學京師同志者邀公聽講旣而聞相
戒不言朝政不談職掌公曰離職掌言學則學爲無
用之物聖賢爲無用之人矣遂不往後數年與景逸
偶遇於朝房辨析疑義景逸恨相見之晚具疏薦公

佐高陽丙子秋七月東兵破定興是時公移疾江村
無城守之責毅然授兵登陴守七日而城陷東兵挾
刃逼公公不爲動遂死之當事者以殉義聞詔贈嘉
議大夫大理寺卿廕一子入監讀書專祠賜謚子祭
造墳所著有四書說約認真草三歸草若干卷行于
世子化麟舉辛酉順天鄉試第一伏闕頌父忠不勝
喪死

認理提綱

此段指出
理字

此段對世
此理非做
作

吾輩讀有字的書却要識沒字的理理豈在語言文
字哉只就此日此時此事求一個此心過的去便
是理也仁義忠孝名色萬千皆隨所在而強爲指
稱也奈何執指稱者求理乎指稱種種原爲人覲
面相違不得不隨在指點求以省悟而人復就指
點處成執滯談懸說妙較量一字之間何啻千里
此理不是人做作的天生萬物而人得其生物者以
爲心四海一天萬里一天人得以生此心與天並

大只就乍見孺子一端推而論之上下四方往古
來今觸無不覺叩無不應偌大宇宙都呼吸一氣
之中故宇宙中物皆性中物宇宙內事皆分內事
也大學之明德中庸之性論語之仁皆是物也乃
合下生成本來面目也

附錄此理
非難索

此理不是涉懸空的子臣弟友是他着落故學以爲
己也而說個己就在人上學以盡心也而說個心
就在事上此知仁與莊禮不得分也修己與治人
不得分也博文與約禮不得分也文章與性道不

無量壽
非有象

得分也不然日新顧諟成湯且爲枯禪矣

此理不是扭看象的中心自盡是其底本戒欺求慊
內省無惡全在人所不見處討個心安此閑然之
所以異于的然也若微涉體面便與本來性命不
相干涉縱鴻勳偉伐籠蓋一時而那塊地方終未
着底如何摸得快活如何熬得劫數故萬變中入火
不燒萬古中歷劫不化全在閑然二字上得力

無量壽
無生德

此理不是落畦徑的只要主以無私之心境不論常
變見不論偏全事不論成敗名不論污潔清可也

理學宗傳

卷之二十四

鹿忠節

五

任可也和可也去可也死可也因可也故曰君子仁而已矣何必同

刺畫此理
無等待

此理不是有等待的隨時隨處自有當盡的職分自小至老無顯無晦只求個件件不虧本分時時不虧本心便了故天地造化天地之尋常帝王經綸帝王之日用那有學術功業之分窮養達施之異乎是亦爲政吾與點也其理自明

刺畫此理
無等待

此理不是有終窮的就此事只了得此事不得遮掩他端就此時只了得此時不得帶携後日總此事

體去而復來孔子不足者必勉然非敢保既勉之
後永無不足有餘者不盡然非敢定不盡之後更
無有餘學如不及猶恐失之雖欲從之末由也已
孔顏一道也不助到此則何有于我祇爲搗謙而
堯舜精窮聖道未見併爲誣聖矣

光復之

人人求良方孔子有極效的方曰能近取譬人人求
是法孔子有極簡的法曰不欲勿施這個方法真個
能破久隔者而使之驟通聯渙散者而使之歸一
人自爲體驗隨所感應以一點萬然生意淋漓布

渡人非木石能無感動中庸曰和也者天下之達
道也信乎窮天罄地無所不徹緩來動和此物此
志也忠信篤敬而行蠻貊也質直好義而達邦家
也擴充四端而保四海也恭寬信敏惠而不侮得
衆人任有功足使也總之以一貫之忠恕而已

人在世間誰不求樂而常得憂周茂叔尋孔顏樂地
此善度身世的法門故樂自有真不是逍遙閑曠
的生活吾人心中有趣纔得樂而趣從何生從不
愧不忤而生愧忤何由去從自盡本分而去如不

發憤做起只一味隨俗浮沉則本來之面目不開
世俗之纏縛漸固固無用力處遂無得意處畢世
戚戚那有出頭的日子故須把自已萬物一體的
本性提起用十分力量保護之手隨時隨處實實
求盡一棒一痕一捆一血這樣喫緊工夫纔得本
性常伸與天地萬物共呼吸于一氣孔子自謂發
憤忘食樂以忘憂蓋憤處就是樂處常情便常樂
憤樂無窮並行不悖故仁爲己任卽工夫已到難
忘猶病之懷而內省不疚卽怡慄無息自有心逸

之妙君子以衆寡小大無敢慢爲泰名教中樂地
固若此也不於此處求樂而求於境豈知待境
而樂已枉難必之天且人心無是就是閒看之日
孔顏蔬水曲肱簞瓢陋巷一日樂在其中一日不
改其樂彼原自有樞柄也萬物皆備一章樂之本
體工夫皆盡矣

一生學力所與同人共講求之者大端不外于此
初公之爲此說也同學者訝之曰子於何用上遂
八而玲瓏了無隔碍至此耶曰天地間總之此理
耳理不明舉足成迷開口便窒理一明往古來今
橫衝直撞總是這件物事又何用乞靈于鬼神術
索照于史冊乎明道曰吾學雖有所本天理二

却是自己體貼出來不能自己體貼未有能自得者他日公又曰子讀陽明傳習錄而覺此心之無隔碍也謂得之于陽明亦可也

尋樂大旨

周茂叔語兩程尋仲尼顏子樂處樂者生人之趣如其不樂爲聖賢何益仲尼顏子當日原樂而其樂處何在豈汝王意的放曠原有入手着腳的生活孔子自謂時習謂顏子不情學時便是樂時而這個生活有端倪無文字

端倪無可名強名之曰性以天地萬物爲一體喜怒哀樂爲發竅而操功于慎獨

性無可名強名之曰仁仲尼論處仁安仁利仁志仁

不違仁一日用力於仁而于諸弟子問仁獨于顏子並舉全體以告

仁一體萬物而以孝弟爲本仁義禮智樂其實總在孝弟堯舜武周不外此道塞天地橫四海皆是物也

體用一原顯微無間虛爲實君無能有有還無也靜爲動根闇能章章還闇也

著落在萬物棚栢在一心明德新民非二事修己安百姓非二事成己成物非二事入德化民非二事

臨卷二十四
又云有精
正與分曉

實得五兩
分不得便
可與言
實

全是自立
實家

而博濟與直達有辨居微與居簡有辨則樞柄原
自有在豈可泛言康濟混言休息乎

天地萬殊總是一本識得把柄纔好下手而形與性
分不得仁與人分不得忠恕一貫原非借言敦化
川流豈容分指學須是莫知下學上達分不得教
何嘗有隱文章性道分不得看來爲學只在當下
學術事功亦分不得也

當下便是樂地願外便惹愁腸不處富貴不去貧賤
豈無人情只爲要做君子遂不得不咬定精鐵士

在當日原非愛名并不怕死只是個方寸屬我
夫雄於九軍

丈夫舉頭天外此心此理既同爲聖爲賢在我愛的
是狂狷惡的是鄉愿

而於大節處做人偏于冷落處看人全要有耻不妨
有過豪傑爲聖賢大率如此

孔子未敢輕以權與人獨以時字集偏至爲大成眞
開拓萬古心胸推簡一世豪傑

意必固我盡絕如眼中不受塵沙耳不受玉屑批却

無耻不成
人過而能
改便是聖
賢

物不著能

尊嚴無事處事脫胎換骨因俗變俗

請魯討逆寓多少機括爲衛正名用多少輪旋匪直
爲魯衛之政也便是爲東周的手段作春秋的心
腸總之性體原自廣大仲尼以一心起萬化耳
至誠自能盡性其次儘可致曲細究害心何物原來
是欲富貴蓋奉承軀殼要緊而不奉承良心也真
性不得出頭世喪道矣

世上只有兩個題目義曰利人各自做世界只有兩
般味曰樂曰苦人各自受苦海無邊回頭是岸從

命上醒一醒從吾上認一認人自有樂舉世皆迷
認得我時不必尋孔顏問樂願學孔子的已先尋
着樂處

從來文人槩稱學者識得孔子之意誦詩則乍歌乍
哭欲鼓欲舞詩亦是學讀史則其事若親其人若
生史亦是學屬辭則行所常行止乎其所不得不
止文亦是學總之天地萬物皆此生意生意在我
法象俱靈吟風弄月從容自得孔顏樂處意在斯
乎

公卿試以前書
後書理學書
勇于任事似
豪俠人也入
官修明職
掌力持名教
無事以懷心
爲樂故有此
編大凡公
之所言皆躬
之所到非徒
口說也

說約

論語開卷
大旨一二
百也

論語開卷這一個學字是學個甚麼特習是甚麼事
尋常論學動以博文爲解記誦考究便是工夫卻
不知博文離不得約禮離禮言文便不是學孔子
原有正經註脚則大學之道是也以明德爲頭腦
以天下國家爲著落以誠意爲把柄誠意只是慎
獨此外無學也中庸天命之性卽明德也天地萬
物卽天下國家也而戒慎恐懼同此慎獨孔子之
所謂學卽子思之所謂教也論語言仁卽性也卽

德也孟子言心卽性也卽德也又恐人擬當下之
人心以爲心故又曰良心又曰本心本心乃性也
乃德也故虞廷不能不以人心爲心而必曰道心
正見人之所自以爲心多非本心須用精一乃執
厥中精一何處川所謂慎獨也故聞見莫非學之
功則考究記誦延平以爲玩物喪志謂其于本心
實際無干也只這時習章曰說曰樂曰不愠此何
等滋味向非于人不見之地有內省不疚之功怎
得這樣真切這樣超脫豈是考究記誦模得着此

章是孔子自寫生面全重時習蓋本心難昧未嘗不自修持只轉念易乘學而易厭時習則工夫無間本體流行深造自得欲罷不能說可知已遠朋就正一脉道氣何樂可以代此不知不愠學原爲已非爲人知然名根未斷縱強支持終有愠意則學便不足色試把千古英雄勘到屋漏無言之地要說十分中全無一分爲名的意思恐文王孔子而外未敢多許也這個學一生只此一伴的生活做不盡默識識此也不厭不倦皆此也志學志此

也共學共此也下學上達卽此是下卽此是上也
朝聞夕可聞此也吾斯未信信此也自其在物上
應的曲當謂之格物自其徑行了所知謂之致知
自其成了個人品謂之修身隨其居處有高下作
用有廣狹如在家上學便謂之齊家如在國上學
便謂之治國如在天下上學便謂之平天下心正
身修卽是中和國治天下平卽是位育先看學
後看論語便醒

仁者天地萬物一體之本心也人而實一物于度外

朱子所
以也

便非爲仁然這個一體之心其通其塞全從事親
從兄上起堯舜仁覆宇宙只叫做個孝子悌弟故
此處說個爲本是全副精神都准在上面澄心靜
對討出孩提稍長的知能來不學不慮天根自露
論語每提孝弟作學者功課孟子以入孝出弟爲
守先待後中庸論達孝而言明禮之可以治國卽
此意孩提之童一章點破真面目仁之實一章總
天下之道而歸之事親從兄合而觀之肯趣自明
不必又添註脚

一生學力
丁當一個
不處不去
無處矣

由陽春傳
是校自賜

富貴貧賤是身世大關頭超凡入聖全在此處所欲
所惡人情不遠不處不去只爲天理良心上過不
去耳靠此一點心抵住兩般俗念然說個不去仁
是無時可去的蓋富貴貧賤之交我雖打發過去
然非一往而不再來之物則我之欲惡非一戒而
不再生之情終身攪扯無時無處非其所乘我一
有鬆懈抵隙而入從前功行盡成灰矣故君子下
仁是終食無違的卽造次顛沛一針不錯
人把道看極輕死看極重道可以不聞死再沒有可

為而孔子
 近下餘
 一有
 門傳
 外
 用
 恐
 也
 大
 小同有全
 具
 一
 十曰下士
 十曰下士

的豈知人生修短不一而無不盡之身有生必有
 死如晝之必有夜也貪生怖死達士所笑但醉生
 夢死最不可耳道者天命之性人之所以為人也
 乘此而來常抱此而往不問道者死真死也生之
 理已成也死又枉死也生之事未畢也知道者但
 論何時開不論何時死本性得現大事已畢生順
 沒寧說甚朝暮此個消息紙不能載手不能授口
 不能傳反而求之必有光景大要孔子為人不問
 道虛生虛死出此盡頭話滿盡天機是道何物開

之者怎樣宗廟之美百官之富還須親自打開門去看

喻義喻利是分開指總的話聖王之界原只于此最當先辨君子小人各極其意之所欲做了一生各有無限條款不盡情形夫子卻從旁總斷一句一壁是喻義一壁是喻利喻字是無言之地自爲認取卽各人亦不自覺賴先覺的喝破君子一生何嘗自全形迹小人一生何嘗自外名教而君子成就了君子小人成就了小人南軒以無爲而爲

爲而爲分義利象山迦喻于志惟不得冬月汗下
纔知道如今的義都是利乃一樣生活兩樣意
斯者道也信卽所謂問道也於斯能信則糟粕煨燼
無非實際天德王道一以貫之不必仕不必仕
於斯未信卽才堪驅駕功蓋一世只是簞羹精菹
于性命毫無交涉聖門諸賢果達藝俱爲世用而
開獨向性命處着力與曾點以春風沂水對知爾
之問者一樣機括故曰已見大意信字如人飲水
冷暖自知畧隔一指如隔萬山未能不是謙言一

生求信一生未能此處工夫極實心地極虛

夫子一向不言性與天道只就日用間隨時隨處隨
事隨物應付出來威儀文辭燦然臚列人皆聞之
卻不知此正是言性與天道只是人不聞耳除了
人何處是天除了事何處是性使人事之外有天
性則天性爲無用之理矣此與無行不與于欲無
言同機

天下大矣匹夫有之而能不與我輩要細招出不能
不與的情纔見得不與的本領又要看到原可不

小極矣
便是動心
者欲乎小
也

只因不識
難達家
許多加損

無過無不及
義之無比
是絕四的
註解

與的理纔見得不與的境界天下與我原不相干
必于不有者有而遂與者皆天下大而我小也舜
禹原不會把天下當一個大物事看其禪其受其
官其家是何等心腸何等眼界學者不可不參此
一步學問巍巍者超然自立無物出其上也然人
本來性體原是如此不遇舜禹則此象不現
此心得之天命爲萬應之宗而還以無心寂中動動
中寂卽原與太虛同體無來由參以有心而意必
固我織成一片遂把太虛的本象隱了這四箇字

隨人材質以爲淺深不止富貴的因此苦自煎熬
低了品格功名的亦因此太自執著祇成伎倆卽
道德的發念更細受病更深帝王聖賢之統且多
閨位故四個母字一塊好田地真真太虛之體省
多少事而却把萬事應得天則都穿透于玲瓏寶
藏中矣四椿是錮身鎖受了這鎖許多受苦處却
誤認爲得意係藉聖賢的個個說精說一而通融
作用只是個意必固我而已四椿來的不惡不覺
入其中而益入益甘永無反面

夫子志于經世故以知爾問然點之所對卻似與題
目無干夫子何反以喟然與之三子以才技爲用
點以性天爲用天命之性隨處而在隨時而在遇
不論顯晦境不論廣狹只是個素位而行活潑潑
地纔無道德事功之分此便超脫了三子却又總
包了三子彌綸天地只是等閑生活故夫子與之
政對得本題

成人之美冷冷的提出這一欸極有關係一個人的
美惡既關于本人之休咎復關于他人之禍福有

乞靈小人
之虧反以
爲愛我

一個君子出來所成所不成合籠筭來多少好處
小人反是多少不好處大凡人的善惡初間未定
全係所成所不成這個機緣不是小可投在君子
前與投在小人前門宗各向人鬼遂分故此不止
刻畫兩樣人心腸乃痛指兩樣人作用此是孔子
道眼看破故如此說人豈有知小人是成我惡敗
我美而甘隨之者君子所成所不成反覺難親小
人所成所不成反覺易入故自遠于君子而近小
人耳小人作用他把美惡來顛倒一番使人既便

于私情而復得托于名理怎不去從到此令人深
恨那小人

夫子單提仁字明破人生大事從富貴貧賤處發揮
一番造次顛沛皆必于是已吃緊痛切矣然猶未
說到死生至此以寧死而不忍去仁說一番直窮
到無可加處何等精神信得及者便可以脫離生
死惟不得史書上視死如歸若接踵而起初以爲
是他輕生不知其爲不忍害仁也害字成字宜玩
不然使生而不害仁則輕死與仁何干傳習錄中

禮樂人自
有之只不
能知其即
字全在無
象故

龍逢比干一段宜看

禮樂不是鍾鼓玉帛節不是聲容制度全在日用間
應事接物上討求應節中其常然而然極其中的
去處叫做禮其自然而然極其和的去處叫做樂
故曰禮樂不可斯須去身兩個字又却是一個理
未有不合禮而得成樂不合樂而得成禮者吾人
細體之自見然禮樂雖自有個規矩却不可以方
體定在求也只是以良心爲主而因時因勢隨處
求個妥貼便是這個禮樂看起來原是範圍天地

曲成萬物的大道理明明白白在世上海現現成成
在心中而無人能與之合者蓋此非冥行者之所
能偶合亦非襲取者之所能附會吾人自己箇點
內有萬不能割斷之私欲外有萬不能抵撓之習
俗縱幾希天性一竅孤懸如何做的出來故學者
真實得力處全在這個節字鄭者如馭馬者之轡
如行舟者之篙操縱疾徐起伏輕重煞有一段深
心在其總論之有大大王張其碎論之有細細分
疏纔能妙合規矩之中範圍曲成宇宙在手所謂

名教中莫大之樂地也

四書中學字總以大學爲頭腦說個大學之道要着人認生來性命莫把原大的家當自家小了卽緊說個近道之方要着人尋着把柄一一腳踏實地莫把有定的路數自家差了曉得從木上做而道自得矣只修身爲本一句可以盡之而修身爲本之所以然在知止一節惟其知止而後能得故須以修身爲本也物有本末四字開舉世之迷事卽跟物來處物卽是事惟有本末故有終始知所先

後非做了本可做末只一味在本上做也亦非遺
末不做做本原在末上做也所謂修身爲本言我
只事事自修而天下已平了天下國家身心意知
物原在一處偶舉其一事而各樣齊到不然八件
可先幹那一件總之人在天下國家之中以身應
物而心動一意意有誠僞而難昧獨知物以知爲
提衡而知以物爲着落致知者隨其物之感而實
依本然之知以應之使物無不妥所謂知之明處
之當也此之謂格物此之謂誠正修而齊治均平

一通在內

天曰厚是

人之所以與天地萬物相耐酢者喜怒哀樂也而喜怒哀樂所以干天地之和傷萬物之命者不中不和也喜怒哀樂所以不中和者不依着天命之性也天地萬物皆爲一體者天命之性也人所以不依着天命之性者自私自利之心也而自私自利之所以奪天性之權者在不睹不聞之地也人之不戒慎恐懼者以爲隱微也君子之必慎者知其見顯也慎之者去其自私自利之念以復吾天地

萬物一體之性也。累性者去而性爲主，所以喜怒哀樂未發而不偏倚，既發而不乖戾，也不偏倚，故可爲千變萬化之根原。不乖戾，故可爲六通四闢之作用也。所以極其中而天地萬物聯成一氣，以位以育也。人生來都抱著一點天地萬物一體の良心，不離方寸兩蓋。乾坤這便是現在生成，不費一毫人爲的本體，順而行之，莫撓上。後天意思便是道撓上意思，便把道壞了。故君子爲天下教主，只是修道，道原不是須臾可離的，而人之離道。

不是在見顯上總離其失着處全在不睹不聞之中蓋人心與天性爭權處全在此此處不着實下手容賊在內我以為隱微而容之渠得我一容遂逞其志天下之潰決汎濫不可收拾者卽是此物人在見顯上怕君子在隱微上怕看來道原是生成的修道只是還他生成本體而得手處妙不過慎獨

聖人言鬼神何意也寧直欲人知鬼神情狀耶鬼神者天也天命爲性率性爲道一而已矣天的無邊

指出鬼神
論落方不
虛幻

本領只從不二中出人的廣大神通必從一誠中
得莫要離方寸氣根而求作用也誠字是中庸筋
骨前論忠恕慥慥已露其端因論天地間大作用
都自此立命迺鬼神之神發揮源流把誠字明點
出來後論舜文周孔經綸制作自孝親以達于治
國精布神流無處不到所謂體物不遺也而莫非
其真性所不能自己所謂誠不可掩也其後覆物
載物成物歸諸至誠之配天地而以天所以爲天
聖所以爲聖總結之明是此章註疏故曰贊諸鬼

神而無疑知天也

無憂章意從武周起見他兩人事體幹得好使天下
無一人不得遂其心卻都是從體貼先人之意做
來的見得是善成先德無憂二字是孔子從後看
他想其受用若文王當日視民如傷聖道未見何
嘗驕然自釋乎如武如周人以爲幹各人之事孔
子以爲體先人之心此便是時中消息今把文武
周公名色諸侯天子規模後先世數光景一總化
却不立通融一看妙哉此性千變萬化而本可窮

大哉此性達天貫地而不可遺人只要把這點地方令他是色便是會萬古于一息合六合爲同堂切莫把自己看的小了

聖人之道就指禮儀威儀說發育峻極就是這禮者禮者世教也所謂名教也如無此禮則三綱不立九法不章萬物相賊殺矣如今萬物各生各遂都是這禮維持所謂裁成萬物輔相天地也峻極于天言自天以下都是禮克塞就指發育萬物說非對也這大道是聖人制的要行這道還待這人苟

無至德至道不凝矣德者一點天理良心所謂性也聖人這道是從性上制出看三千三百都是良心之自然而然不得不然的則德性是道的根本君子疑道故尊起德性來要尊德性須著實加學問功夫把心要廣大著寬廣廓大原是本性狹小是人自著私欲束縛了故要致廣大然廣大原不是離了日用儀節的如嫌倫常爲小節而任意疎畧則一事打點不到便是德性的一塊破綻求廣大越不廣大了故致廣大要盡精微把心要清明

着超脫透明原是本心。暗是人自着私欲錮蔽了。故要極高明。然高明原不是離了平常坦易的。如嫌常道爲無奇而專意放曠。則一字不踏實地。便是德性的一塊虧欠。求高明越不高明了。故極高明要道中庸溫故。便指致盡極道的工夫。說這工夫終身以之終日去幹。那有遍數體驗。既熟識見日進把道之根原漸漸看得親切了。這便是知新。既看破道之根原。禮儀威儀上一些粉飾也用不着。只是盡這一點極誠實的心。這便是敦厚以

崇禮崇者有這實心纔成了禮了把禮纔掀起來
使立于天地之間不如一向之凌遲衰微也此之
謂德至此之謂道凝君子以學問尊德性便是明
哲上下治亂無處不可便是保身

做天下事要個不動心此真實老腳千古聖賢衣鉢
而不動心要從工夫中得之說個四十見由工夫
也告子先我先字原不消工夫若消工夫則先不
得曾子問大勇于孔子只論自反就是不動心的
主柄人好勇只是憑氣壓賢却憑理後邊集義不

儒釋之辨
在此

使行有不慊于心卽此意也入門判告子便就告
子比到底知言養氣政對告子生活尋來告子怕
言與氣動了心故任其不得而俱無求孟子却就
言與氣上尋勾當都求之于心而使無不得更爲
不動心之法直養無害害字與又害之呼應塞天
地就在配道義上天地間若無道義便天塌地陷
了而道義在而前非有浩然之氣的人便廢然而
返氣之不可不養如此而何以養之還從義生義
又要集非可襲襲就是助的心腸行有有字要看

一椿不義也禁不得集字原不放一點空政爲不
如此則僨告子兩無求就是外義正便要助勿怠
只墊說吃虧原多在助較論處自明知言精神在
兩害上而生心二字是悟頭尋出言的根源纔照
出言的下落天下大害只在言上定奪誰知口舌
中偌大干係夫子不知言無以知人就是杜禍本
塞亂源的本領不動心真少此學問不得奈何說
不得於言勿求於心養氣離不了心知言離不了
心萬法同從心生此章前邊尋不動心把柄拿的

種是

呂新吾云
明道亦未
確之謂也
聖自有陰
而朱乃不

原穩以告子視自家稍帶黜舍後邊定願學宗主
聽的原雅以尹夾堯舜觀孔子稍帶群賢

從頭敘來到當下永鉢隱然矣見知問知却須兼詳
道性善者孟也願學孔子者孟也願學是學他時
蓋性之善政在此非此不可言大成而這個消息
豈可以偏見承之乎見知都得兩人政爲柏拘一
人之見或見不全也各就所見以爲道便有未盡
見的未到則傳的便偏豈不誤問知者乎孟子之
後有周程有朱陸人知周程之同以傳道也而不

偏此處正
可案會于
朱陸之間
見明道之
學而于刪
明道在朱
陸之間者
見新舊伯
順之學行

理學宗傳

卷之二十四

墨

知周程亦自不同明道伊川亦自不同特以師生
兄弟未分門戶耳人知朱陸之不同也而不知朱
陸朱嘗不同也八字著脚真實理會做工夫者南
渡以後惟此二人其不同者各有所著力同一為
道也妙在有陸而朱乃不偏孔子之道大明于天
下見知越信該得兩個前邊各有兩個見知一定
道同一定見未必盡同若盡同便只說一個不消
龜舉兩個

公之死也以節著恤刑則胡向化疏云
理學名臣死以封疆殉節人謂是見公而予四十

年或公知公之志知公之學當卿薦以前定交楊
忠愍利下罔抗然有殺身不悔之意卽登第後遺
周忠介詩云寒中第二非吾事好向椒山句裡尋
猶津津以節義共勵至輪圓四載出入戎馬之場
病若死生具家常事故能全體通靈朝聞夕可孫
高陽哭公云予向覩伯順之一靠通齊得喪忘毀
舉渾成虧也今乃親覩其不二死生乎此言蓋得
于日擊心識之餘意密神傾之後公真聞道之士
也夫公嘗謂予曰學問最怕有攙和夾雜以富貴
利達之心而歸爲道德仁義之事者此不必言同
一忠也而予文與比于異同一清也而文子與伯
夷異正焉其有夾襍耳聖門願曾顏道德果達真
功名各有本色不必攙和此孔子所以惡鄉愿而
思作狷也

呂忠節公維祺

維祺字介孺河南新安人父心學有隱德以孝稱里
閭維祺爲諸生時卽毅然以聖賢自任登萬曆癸丑
進士授山東推官以孝弟感民民爲之化擢吏部郎
清餽遺謝賜託常熹宗未正位人心勿定先請見于
慈慶宮門抗疏調護聖躬近侍不許干預政事旋予
假省親八年家居止芝泉書院與張抱初修明濂洛
之學時天下方以講學爲歸逆璫喻之幾中危禍推
考功矯旨另用戊辰懷宗御極起璽卿轉奉常上防

徵八事授南戶部侍郎清覈侵冒以百萬計任五年
餘餉可支三年廩實不苦竭授南兵部尚書汰冗登
勇兵實不濫復辟多士立豐邑大社講明正學未幾
以父病乞歸集鄉士立伊雒社以守先待後自責與
王惺所張泰宇李虛齋王文苑孟守鍵許松蘿劉澄
遠諸人大會于正學書院講太極周易發明致中和
之義嘗述象山之言人不可以無學猶魚不可以無
水賦人之形而不求盡乎人之道虛生浪死其在富
貴者適足以播惡遺臭戊寅流寇詭撫當事者議安

置河汝人心洶洶如沸維祺力爲挽止冬十二月賊
勢稍蹙段寇河隄率家人分守北城罄家貲勞軍士
辛巳正月十九日賊抵北城維祺家人殺十餘賊次日
西城忽潰諸子以無守土責爲言維祺曰受國深恩
與城存亡義無可逃况讀聖賢書所學何事賊至被
執曰非呂尚書耶稔知公善當謀出維祺慨然賊遂
掖出城門賊首曰呂尚書今日請兵明日議勦何逼
人大甚維祺厲聲罵曰恨無兵馬殺汝狗彘事至此
止有一死賊令之跪罵愈厲北尚拜闕西向拜父母

與屈藩同被殺觀者皆相視流涕維祺嘗言一生精神結聚在孝經二十年潛玩躬行未嘗少怠每論孔魯相傳得力于戰兢十二字故魯子易簣示門人曰吾知免夫非謂免于毀傷蓋戰兢之心死而後已嘗疏進孝經請頒學宮所著有孝經本義或問大全存古篇明德堂集奏疏音韻日月燈行世嘗作石隱先生傳以自况學者稱爲豫石先生

敬陳堯舜疏

聖皇
大德
貞明
道
大

為敬陳堯舜之道願皇上純聖學懋聖德熙聖治以
恒保泰運事恭值鳳曆復頒龍德恒耀正三載熙
績時矣廷臣常無不因時效忠而微臣此疏直欲
皇上為堯舜或曰皇上方皇皇時艱言堯舜迂矣
不知臣非緩言時艱謂為時艱者正須從為堯舜
做起耳皇上英明天縱既可為堯舜若一片憂時
苦心豈欲為三代以下主亦豈欲為漢宣正欲為
堯舜者也惟是有君無臣往往負皇上德意即老

成忠惻亦苦秦交難洽則所以提轉一世之精神
躋之唐虞還在皇上夫堯舜豈皇上所難爲哉只
就向來所皇皇者而尋其源提其要卽是矣故莫
如純聖學懋聖德熙聖治三者而已今聖學何嘗
不純然學不如堯舜非純也堯舜之學其要云人
心惟危道心惟微惟精惟一允執厥中我皇上試
思何爲人心何爲道心何爲道心中之人心不但
聲色當遠宴樂當節御宦官宮妾當嚴卽舉念在
道而有所偏喜有所偏怒有所自用有所執而不

化亦歸人心願皇上時時提醒此心常使虛明活潑尤時時與賢士講論不輟以涵養心性消融意見是爲不雜而精不二而一不急不亢而執中然則皇上之學一兢業矣今聖德何嘗不懋然德不如堯舜非懋也堯舜之德雖欽明濬哲不敢自滿尤必詢事考言闢門達聰何虛受也皇上聰明神聖天下莫及然愚者不有千慮之得乎聖人不採狂夫之言乎舍已樂取尤見大聖人之無我其心愈虛其德愈廓然則皇上之德一勲華矣今聖治

何嘗不熙然治不如堯舜非熙也堯舜之治其大者不過宅揆播穀若二十二人時亮天王是爲急先務急親賢皇上綜覈名實如意富強急誠急矣第恐以一人聰察欲事事核人人督如理紛綽愈急愈結我皇上何不以擔當責政本以勞怨責部院以地方應做事責督撫量才而策按程而課必于先務大綱領處急提挈之必真知其賢急親任之所謂任一人足領袖千萬人提一事足該括千萬事此也如慮賢實難知不曰忱恂遠佞乎不曰

善好不善惡乎不曰國人皆賢然後察而用乎然
則皇上之治一巍蕩矣聖學純析理愈精而不惑
聖德懋取善愈大而不爭聖治熙大行愈捷而不
息我皇上清明在躬而不邇不殖推心置腹而勿
貳勿疑至于爲閣臣者當任天下之重篤納牖之
誠厚回天之力爲大臣者當鑒覆轍之伏戎思盡
瘁之篤斐爲群臣者當各修職業共破藩籬勿規
利開墻勿占風轉脚上下交儆如五味相濟如同
舟遇風而又申明正學激厲廉恥使人人各發良

理學宗傳

卷之二十四

呂氏門人

心視爲君父如爲官視國事如自己家事方且拔
茅以孚其志包荒以大其容朋人以濟其群戒隣
以防其富勿用師以消其吝如有不上下交而
志同者哉有不裁成輔相食福元祉者哉乃知皇
上必不可不爲堯舜諸臣必不可不致君堯舜底
三載庶績之熙基萬年有道之曆在此日矣臣願
皇上思臣非堯舜之道不敢陳者非迂也

孝經本義序

孝經繼春秋作蓋堯舜以來帝王相傳之心法而治

敬啟者
之遺子
幸第孔子
亦曰吾行
在孝則曾
子雖受賜
余乃所以
傳孔子也
為聖為賢
此
一不可得

天下之大經大本也此義不明而天下無學術矣
學術荒而天下無德教矣韓愈有言堯以是傳之
舜舜以是傳之禹湯文武周公孔子而不言是為
何物程子曰傳孔子之道者曾子一人而已而不
言所傳何事孝經非孔子之傳曾子者乎今夫夫
地渾然氣耳而天地之性存焉元氣混沌孝在其
中父子之道天性也性之德有四而仁為長大倫
有五而仁之于父子為切人之行有百而孝為原
大哉孝乎天不得無以為經地不得無以為義人

不得無以爲行帝王不得無以治天下國家昔者
堯之時雍本乎親睦舜之風動本于克諧以至三
代聖王莫不以孝爲治天下之本世衰道微大義
日晦孔子欲以此道治天下而道不果行乃作孝
經以傳曾子意者謂堯舜以來相傳之心法與治
天下之大經大本不可一日不明于天下後世而
曾子篤實有孝行故傳曾子以通傳于今其意與
春秋相表裡乃或火于秦紛于漢唐僞于炫邵黜
于安石于是訓詁家各出所見非狃承學卽筆竄

易不然亦祇于家庭間視之一節求之而不知其
爲帝王相傳之心法與治天下之大經大本遂使
本肯大義愈不明於天下後世而明王之治罔聞
當強刑名之學競起邪惡禍亂之作交熾嗚呼有
如天子躬行此道于上公卿輔之以教諸侯大夫
士庶人卽堯舜之時雍風動豈在遠哉惜乎徒託
之空言而不獲實見諸行事也是故孔子自言曰
吾志在春秋行在孝經夫五經不可無春秋猶法
律之不可無斷例也春秋不可無孝經猶洪水之

疏淪決排不可不歸諸海也子與氏曰春秋天子
之事也春秋成而亂臣賊子懼孝經成而察於天
地通於神明光於四海其道一也大哉孝經乎參
兩儀長四德冠五倫綱維百行總會六經繼二帝
三王之統以傳天下與後世然則堯舜之傳是孔
曾之傳宗其物事蓋可思也昔元隱士釣滄子嘗
言聖人之經安得竟廢不行五百年必有明王在
上興起振作表章是經今天子天縱大孝同發堯
舜而參拳論士人習孝經以宋黜孝經之年計之

釣滄子何
人乃有此
見識遠

適符五百之期豈非天哉愚不敏學識淺昧猥以
沉潛澹貫有年乃敢折衷羣言竊取大義蓋欲發
明孔子傳堯舜以來相傳之心法與治天下之大
經大本而不規規於家庭問視之一節或於孔曾
傳孝之本肯大義不甚刺謬而於經文一字不敢
移易慎之也誠躬逢聖天子特加意表章頒之學
宮而躬行於上以明教化於下由是大意明而學
術正學術正而德教興天地之氣吾之元氣天地
之性吾之至性堯舜之親睦克諧吾本也堯舜之

欽明溫恭吾本之本也則凡古明王之以孝治天下者其仰參天經俯察地義幽通神明遠光四海皆不越因心得之而又何屑乎富強何繁乎刑名何憂乎邪慝禍亂明乎此而帝王治天下大經大本與其所以相傳之心法庶不晦於天下與後世而學者之從事於孔魯之傳者亦可以知所本矣

與蘇抑堂

天下萬世所以常存而不毀者只爲此道常存此道之存人心之所以不死也使人心而死則天地之

毀也久矣人人心不死而人人未能操存之便厭
厭無生意所以持世之人力爲擔任將一副精神
盡用之于此道而卑者祇役役於富貴功名意見
蹊徑其高者又復耽入于懸虛以爲道更有在也
不知此道至平至易見前卽是轉擬卽非卽入世
之中亦自有出世之法非必盡謝絕人世而後爲
學也世不難於出而難於入出而不入出而乃欲
入此幻與僞之爲也入而能出此吾儒學問之所
以異於二氏也年兄云卽今亦自可學誠哉卽今

學無成學
不家姑待

吾學易傳

卷之二十一

三

亦自可學也弟有聰云人只此人不入聖便作狂
中間難姑脚學須就學昨既過今又待何日始回
頭故曰纔說姑待明日便不可也自古聖賢何人
不由學問涵養而必曰生知云云則自棄甚矣只
要認定一路一直硬肩做去日新不已卽吾儕自
有聖諦彼程邵諸先覺非人也乎哉彼何以與天
地不朽而我輩空沒沒也思念及此有不愧汗浹
耻者豈人哉然年兄之所以遲疑於其間者得無
謂今天下講學者多僞也不則謂講學與不講者

多分一畛域恐吾涉于一邊意豈其然哉講學之
爲誠有之然真者必於此出以其僞而廢真何異
於因噎廢食且天下之貪官暴多也朱聞以廢仕
進也至於講學之家多分畛域亦自有說吾只見
得吾身非此無以爲人安身立命的在此任他
風浪起我只不開舟卽有炙手可熱者吾不顧焉
卽鑄黨人牌吾不易焉世自有世之講學吾自有
吾之講學所謂天淵懸隔者也今天下禁講學而
學會日盛學會雖盛而真實在此間做者甚少弟

何謂熱心
子學矣故
能成就一
個完全男
子

之修復孟先生會原自修復不沾帶世間一塵近
日敝邑及隣邑遠近之士覺彬彬興起今世風之
壞也久而人心日不古矣以年兄之識力辨此最
易如有意於此固無事遲疑孟子云奚有於是亦
爲之而已矣存古篇未知可行否彼中君子亦可
共訂此否頃馮少墟有字亦拳拳於年兄卽今可
學學只在今德不孤必有隣吾兩人於此終其身
焉而已當自各有會心處悠悠世路不尋此山頭
一着終於草木同腐朽老靡下而已敬與年兄

商

與友人

天下第一等事是何人做天下第一等人是從何事
做起可惜終身憧憧擾擾虛度光陰到雨罷庭空
風過花飛時究竟携得甚物去以此思之何重何
輕何真何幻何去何從自有辨之者然而眼界不
開由骨力不堅骨力不堅所以眼界愈不開以此
思之學問下手處可味也而世往往目學問爲僞
爲迂其訓世之學者豈無僞哉而真者固自真也
以僞爲非去其僞而可矣至於學問不足經世又

學術原以
經世

何學之爲以此思之學力事業非兩事也某只於此心確然有不可拔處而於道則罔聞也吾丈聖賢之心而豪傑之才願相與勗之亦願時時有以教我

答呂一則

弟維祐問講學爲人所非笑何以處之曰講學不爲世俗非笑是爲鄉愿講學不到使非笑我者終心服我是爲鄉人講學必別立崖岸欲自異於世是爲隱怪講學不大倡其說於天下後世以承先

愚後自任以爲法可傳自勵是爲半途之廢
從來談學者非謂即迂無怪乎人以此訾之也果
能盤根錯節而無棘手之時乎果能開室屋漏而
無疚心之事乎如其不能則不免于迂與僞也不
學鄉愿不爲隱怪不廢于半途此足見豫石之學
矣

理學宗傳卷之二十四終